

Izgradnja autoputa M5

Ured Visokog predstavnika je zadovoljan izvanrednom saradnjom koju u izgradnji autoputa M5 ostvaruju organi vlasti Opštine Pale u Republici Srpskoj i Općine Pale u Federaciji Bosne i Hercegovine.

Danas je Jacques Paul Klein, Prvi zamjenik Visokog predstavnika, posjetio Općinu Pale u Federaciji i Opštinu Pale u Republici Srpskoj kako bi razgovarao o stanju radova na tunelu Stambolčić i autoputu M5 između Sarajeva i Mesića. Ovaj projekat su dvije općine zajednički kandidovale.

Dana 20. maja 1999. godine je ambasador Klein bio svjedok potpisivanja Sporazuma o izgradnji. Sporazum su potpisali Nenad Pandurević, predsjednik Skupštine opštine Pale, i Salko Obhodaš, načelnik Općine Pale u Federaciji.

Novim autoputom bi se trebala ostvariti bitna cestovna veza između Federacije i istočnog dijela Republike Srpske, kao i podstaći ekonomska ulaganja i političku stabilnost.

A još važnije je to što će tijelima uprave na svim nivoima ovaj projekat poslužiti kao primjer razboritog rukovodstva i inicijative, te kako na najbolji način služiti interesima građana ove zemlje bez obzira na njihovo etničko porijeklo.

OHR će skupa sa entitetskim vladama i dalje pružati podršku ovom projektu. To će biti jedna od tema o kojoj će ambasador Klein sutra razgovarati sa premijerom Dodikom u Banjoj Luci.